

Powšitkowne WOZJEWJENJA

njedźelu, 15. měrca 2026

Přiležnosć k swjatej spowědži w Róžeńće

sobotu, 21. měrca	farar M. Anders, kanonik Š. Delan
17.00 – 18.00 hodž.	farar B. Jakubaš, farar T. Mandler
sobotu, 28. měrca	farar M. Anders, kanonik W. Sćapan
17.00 – 18.00 hodž.	kapłan P. Mróz, farar M. Kocner
póndźelu, 30. měrca	farar M. Anders, farar G. Nawka,
18.30 – 19.30 hodž.	farar M. Kleiner
wutoru, 31. měrca	farar M. Anders, farar G. Wornar,
18.30 – 19.30 hodž.	pater J. Müller

Kóždy sobotu do Božeje mše za lud a kraj, kotraž so we 8.00 hodž. započina, je přiležnosć k swjatej spowědži.

Putnikowanje swójbow

Putnikowanje swójbow do Róžanta budže zaso pjatu póstnu njedźelu, lětsa je to 22. měrca. Boža mša w hnadownej cyrkwi zahaji so w 9.00 hodž.

Hudźbno-literarny wječor na česć Bena Budarja

Składnostnje 80. posmjertnych narodnin serbskeho spisowaćela Bena Budarja wotměje so w Budyskim Serbskim ludowym ansamblu (SLA) hudźbno-literarny wječor pod hesłom „Wokomiki slónca“. Tón budže štwórtk, 19. měrca, w 19.30 hodž. Na nim spominaja z wěncem słowow, hudźby, wobrazow a filmow na jeho bohate literarne tworjenje. Dale wěnuje so program zhromadnemu džělu z hudźbnikom a komponistom Měrcinom Weclichom. Zaklinča tohorunja twórby Jurja Winarja, interpretowane wot smyčkowego kwarteta SLA. Teksty čitataj wnučk Bena Budarja Filip Budar kaž tež dźiwadźelnica Majka Kowarjec. Zastupne lisćiki dóstanu zajimcy při kasy ansambla kaž tež online. Link je pod www.posol.de wozjewjeny.

Zhromadne dopołdno za džěci 6. do 8. lětnika

Pod hesłom „Wujednaj so!“ wotměje so za šulerjow 6. do 8. lětnika sobotu, 21. měrca, wot 9.00 do 12.00 hodž. zhromadne dopołdno we Worklečanskim Don Boskowym domje. Tón dzeń změja džěci móžnosć, sakrament wujednanja pola fararja Gabriša Nawki abo kapłana Pětra Mróza přijec. Přizjewjenja přijimuja hač do wutory, 17. měrca, online. Link je pod www.posol.de podaty.

Zhromadny dzeń za 1. a 2. lětnik

Šulerki a šulerjo 1. a 2. lětnika su w jutrownych prózdninach na zhromadny dzeń do Don Boskoweho domu we Worklecach přeprošeni. Wón steji pod hesłom „Chryst je z mrtwych stanył – haleluja“. Wobdželić móža so džěci pak srjedu, 8. apryla, pak štwórtk, 9. apryla, stajnje wot 9.00 do 15.00 hodž. Swójski přinošk na wobdžělnika wučinja pjeć eurow. Přizjewjenja přijimuja online hač do póndžele, 23. měrca. Link nańdu zajimcy pod www.posol.de.

Zarjadowanje k swójbnyim ritualam

Dalše zarjadowanje noweho rjadu pod heslom „Swójbne rituale w běhu lěta“ budže pjatk, 27. měrca, wot 15.30 do 17.00 hodź. we Worklečanskim Don Boskowym domje. Wone steji pod temu „Čakamy na jutry“. Přeprošeni su starši (mać abo nan) hromadže z džěsćom w předšulskej starobje. Wobdžělnicy dóstanu při małym přikusku w krótkej formje impulsy za swójbne nabožne žiwjenje. Po tym sej hromadže z džěsćom něšto spasla. Swójski přinošk na swójbnu wučinja štyri eura. Přizjewjenja přijimuju hač do srjedy, 25. měrca, online. Link je pod www.posol.de wozjewjeny.

Kemše w Róžeńće

Na swjedženju Přizjewjenja Knjeza, srjedu, 25. měrca, budže w 9.00 hodź. Boža mša w Róžeńčanskej putniskej cyrkwi. Wšitcy wěriwi su wutrobnje přeprošeni.

Serbski podcast k prašenjam wěry a žiwjenja

Redakciski team Dekanatneho dušepastyrstwa młodžiny we Worklecach je nowy serbski podcast přihotował, kotryž zaběra so z prašenjemi dokoławokoło wěry a žiwjenja. Přinoški su na Spotify a Youtube wozjewjene. Link nańdu zajimcy pod www.posol.de.

Wukubłanje na měšnika

Mužoj, kotřiž chcedža teologiju studować a so z měšnikom stać, móža so wot nazymy we wobłuku studija na to přihotować. Tež mužoj bjez matury, ale z wotzamknjenym powołanskim wukubłanjom móža so na puć měšnistwa podać. Do požadanja wotměja so w biskopskim ordinariaće w Drježdžanach orientaciske rozmołwy, za kotrež měli so zajimowani mužoj w personalnym wotrjedže přizjewić. Požadanja za wukubłanje su tam hač do pjatka, 17. apryla, móžne. Link k nadrobnišim informacijam a požadanskim podložkam je pod www.posol.de podaty.

Wukubłanje na stajneho diakona w ciwilnym powołanju

Lětsa nazymu zahaja na Fachowej akademiji za wosadnu pastoralku w Magdeburgu nowy wukubłanski kurs za muži, kotřiž chcyli so ze stajnym diakonom w ciwilnym powołanju stać. Wukubłanje absolwować móže kóždy, kiž ma mjez druhim wotzamknjene wukubłanje powołanja kaž tež teologiskeho dalokokursa „Křesćanska wěra: zakładny kurs“ Domoweje šule we Würzburgu, je fyzisce a psychisce počezomny a je kmamy a zwólniwy so z nuzu druhich rozestajeć. Zajimcy měli při zahajenju wukubłanja znajmjeńša 35 lět być a nic starši hač 50 lět. Woni móža so w personalnym wotrjedže biskopskeho ordinariata w Drježdžanach za orientacisku rozmołwu přizjewić. Po tym budže rozsudžene, hač so požadanski proces zahaji. Požadanja přijimuju tam hač do pjatka, 17. apryla. Link k nadrobnišim informacijam a požadanskim podložkam je pod www.posol.de wozjewjeny.

Wukubłanje za pastoralnu službu we wosadže

Zajimcy, kotřiž chcyli pastoralnu službu we wosadže wukonjeć, móža lětsa nazymu wukubłanje na wosadneho referenta zahajić. Žony a mužoj, kiž tak mnohostronske služby a charismy wěriwych podpěraja a spěchuja, móža so ze studijom nabožneje pedagogiki respektiwne teologije a nawjazowaceho třilětneho wukubłanja za tajku službu kwalifikować. Zajimowane wosoby měli so na personalny wotrjad biskopskeho ordinariata w Drježdžanach wobroćić, hdžež wotměje so do móžneho požadanskeho procesa orientaciske rozmołwa. Požadanja přijimuju tam hač do pjatka, 17. apryla. Dalše informacije nańdu zajimcy pod www.posol.de.

„Hodžinka před Bohom“ w Njebjelčicach

Njebjelčanski chór swjateje Cecilije wuhotuje sobotu, 28. měrca, w 20.00 hodž. pod hesłom „Ja sym puć a prawda a žiwjenje“ (Jan 14,6) w tamnišim Božim domje „Hodžinku před Bohom“. Na pěsnje, psalmy a modlitwy sluchajo, kotrež młodostni přednjesu, su wšitcy přeprošeni před Bohom wutrac a so dušinje na jutry přihotować. Kóždy měł sej swěčku sobu přinjesć a so sam z džělom swětła stać.

Prózdnińska jězba za 4. do 8. lětnik

Na jězbu do Zhorjelca su šulerki a šulerjo nětčišeho 4. do 8. lětnika w lětnich prózdniach přeprošeni. Wona wotměje so wot póndžele do pjatka, 3. do 7. awgusta. Swój-ski přinošk na wobdžělnika wučinja 130 eurow. Přizjewjenja přijimuju hač do pjatka, 1. meje, online. Link na wotpowědnu stronu je pod www.posol.de wozjewjeny.

Wustajeńca pasionskich Božich narodkow

W putniskej hospodže w Hirschfeldže je hišće hač do jutrowneje póndžele, 6. apryla, wobšěrna wustajeńca pasionskich Božich narodkow přistupna. Z eksponatami nawjazuja na lětsotki staru křescansku tradiciju, z pomocu figurowych předstajenjow Jězusowy puć ćerpjenja sej znazornić. Přehladka wopřijima džewjeć pasionskich Božich narodkow z drjewa, papjery a kumštneho kamjenja. Dalše dewocionalije je wudospołnjeja. Jeannette Gosteli njewěnuje so na wodženjach po wustajeńcy jeničce tamnišim twór-bam, ale zapletuje tohorunja duchowne impulsy.

Zajimcy móža sej pasionske Bože narodki jeničce we wobłuku wodženjow wobhladać. Te wotměwaja so stajnje sobotu w 14.00 hodž. Zjawne wodženja budu sobotu, 21. měrca, runje tak Wulki pjatk, 3. apryla, kaž tež jutrownu póndželu. Skupiny z wjace hač sydowosobami móža sej tež swój-ski termin ze Jeannette Gosteli dojednać, telefonisce pod čisłom (01 75) 4 08 59 97 abo z mejlku na info@pilgerhaeusl.de.